

四庫全書

集部

欽定四庫全書

集部

御製詩二集卷四十八

詳校官尚書臣德保

助教臣常循覆勘

總校官原任中允臣王燕緒

校對官學正臣卜維吉

謄錄監生臣蔣雲師

欽定四庫全書

御製詩二集卷四十七

古今體八十六首

甲戌三

偶題

蘓李真稱神理超曹劉未覺古風遙三唐已自相沿下

何用流波說四朝

詠藻玉圖章

良瑤誰得亂繆篆獨超羣抑壻傳遙代瑰奇煥秘文堯

年垂寶露虞旦爛卿雲介紹客卿侶彬然挹古芬

題張宗蒼畫

蒼山紅樹裡流水側崖顛獨倚危亭坐如安空界禪遙
源白雲外別業綠筠邊世上無名姓誰希續列仙

玉泉山見新耕者

遲日尋芳到玉泉含胎花信欲鳴娟虛窗納遠聊披景
沃壤融膏見種田已盼雨靈亟顯若乍看土潤為欣然
山容水態田盤似所得今朝迫勝前

山桃始開

嫣然度索放和嬌頭踏羣芳報節韶只有東風偏慣妬
蓬蓬底事不相饒

題張宗蒼夏山圖

好山濃若滴灌木翠如流雲起知將雨風來乍似秋展
書惟靜客鎮日坐高樓何必稱王粲曾無羈世憂

湖上

湖上青韶漸可憐新波晴旭漾澄鮮花將放蕊明思雨

柳已舒條暗惹烟踏浪錦鳬空際去尋芳粉蝶密中穿
溪山好值春光富妙理清機日細研

白山桃

綠萼已稱謝脂粉素華偏自舞嬾不
因嚴節從頭校
幾與寒梅一例看

鳳凰墩放舟由長河進宮川路攬景雜詠

一篙春水漾文舟便泛長河達帝州
山色溪光相卷畫
湖心小憩鳳凰樓

青蒲白芷欲浮波，柳態花姿即漸多。
底識明湖不相讓，六橋一帶遠烟拖。

垂虹迸水落銀塘，小擬洪湖石堰長。
恰有侍臣董事返，

秋災細詢屋維揚。

時總督策楞董築南河堤
工事竣後命隨侍舟次

幾曲川途綠柳堤，遙聞鐘磬出招提。
今朝不必維舟訪，默識禪房有舊題。

瓊島春望

太液池邊瓊島嵬，登臨縱望氣佳哉。
新蒲弱柳高低綠，

杏葉桃花次第催玉筍含陰隱壺崎銀奩倒影畫樓臺
萬家春樹皇居拱生計籌量日幾迴

偶成

無稽及弗詢勿聽亦勿庸重華以命禹心傳繼神宗仲
尼稱好問邇言察用中好察隣庸聽邇言詎盡公典傳
似杓鑿繹思異實同

即事

曉喜濃雲布四字無何堀堞變終風土膏固不妨春種

未免先時意已忡

暮春漪瀾堂

岑巖峙穹塔衍漾浮液湖畫樹壘峯稜綠縠周堂除白
烟帶嫩柳紫茸發新蒲續藻潛遊鱗梯浪起飛鳧妙趣
上下察神詮動植俱三歎吾與黠言志何傷乎

三月三日

逼閨節猶寒上巳花始發馬射古所稱祓禊今久歇王
謝文會豪張庾佳辭越纔喜春雲濃可惜終風勃無心

玩芳華惟是厖耕堡

錢維城林塘泛艇

葉舟泛空闊去住隨所如不擬瀟湘意嫌襲弔三閭

梅有後桃杏而開者詩以嘲之

盆梅本自放嚴冬但是薰培出溫室山檠牡丹冬亦開
豈曰耐寒其本質南方有梅北方無造物異視詎理乎
墻根向暖試種植頗得滋榮三五株緋桃絳杏爛湯矣
纔綻藥珠一兩爾或云氣候究不同江國原報春光始

若然遇寒終變節
逐炎何以稱高士
隱覺清友向人言
南方之強理如此

御園暮春即事

年來翠輦每乘春
農扈瞻蒲事省巡
仙苑恰欣值清暇
可無藻句答芳辰

山桃正放樹梢紅
洞口源頭宛轉通
慣被封姨作媒藥
蓬蓬鎮日厭顛風

鳴鳩喚雨鵲呼晴
愛聽鳩音厭鵲聲
宴坐閒齋叅耳觀

物無分別概人情

新波曲岸板橋橫
仙樹真花景正明
緩棹湖心成靜寄
米家書畫不相爭

汀蘭岼芷吐芳馨
猗碧偏宜近水亭
未可春園亟行樂
周書無逸每書屏

纔喜御園春好看
又愁南畝雨嫌遲
却憐九十韶光裡
放眼舒眉付阿誰

含經堂

惜陰遵古訓克已陶今情無逸惟勵志有疊常研精明
鏡待旃摩鑠金資土型行知則廣大尊聞則高明敬案
味道腴轉憶書窗橫

禱言

黃蘗其味苦咀嚼生微甘白蜜滿口甜微辛其中潛元
冰含陽溫烈火藏寒炎翼者兩其足齒者角難兼高明
鬼闢室天道每益謙百慮或一失芻蕘有理談

讀平原君傳

公子稱最賢，食客至數千。高樓臨民家，簷者行槃跚。美人忽臨見，倩兮巧破顏。明日簪者至，謁者抗辭前。願得笈者頭，君哂未許焉。舍人稍引去，怪問始知然。愛色而賤士，誰肯相周旋。爰斬美人頭，謝罪自造門。門下乃復來，相傾文歇間。卒得頽脫力，定從自楚還。一笈知何人，其事況經年。美人誠然乎，胡乃致客還。史公每好奇，於斯見一斑。

湖上雜詠

山桃報道爛如霞
風定乘閒攬物華
已藉吹開自吹落
三分塵土一分花

望蟾閣外放烟舟
澄照欣看鏡裡遊
綠柳紅橋隄那畔
鴛鴦鷗鷺滿汀洲

渚蘭岸芷郁青青
萬頃波光漾碧舲
便是明湖春暮景
謝他雜沓管絃聽

澹沱溪烟接六橋
雙湖夾鏡盪蘭橈
玉泉不是言遊懶
咫尺波心落翠標

藻鑑堂

畫舫過長隄鏡湖環迤榭于焉可小憇天水光上下輕
烟柳絲罥嫩日花枝亞飛躍契靜觀動植含神化溯洄
駕言旋吾寧此多暇

景明樓

隄亘湖心上有樓昆明烟景座中收春秋無盡風兼月
左右何須女與牛魚鰕鳥瞰自飛躍波光雲影相入沉
浮岳陽記語當前景吾亦同之塵先去聲憂

時哉行

惜以分寸較聖賢內典更云彈指間一刹那頃來今去
堂堂去者誰見還日中必萋操刀必割白圭趨赴鄙哉
貨殖齊人有言曰雖有鎡基湛靜安舒者戒於後遲行
夏乃仲尼之訓吾惟後天而奉之

題張宗蒼畫

如滴春山美欣欣總向縈崖枝改舊觀去聲澗水發新聲

雲塢數家靜風帆幾舸輕層樓俯空濶興發謝宣城

再題年益壽衣圖仍用謝惠連韻

有序

是卷題於乾隆丁卯比戊辰再題則已遭

先孝賢皇后之感迨今甲戌脩已七易星霜矣寒食

前一日適值忌辰追念前徽撫懷節序披圖觸緒

蘭館猶新用寫悲懷仍賡舊韻

鴻龍運玉斗紀序相嬋催新烟引綠榆兔目吐高槐
日頻望雨愁卜桑鳩啼孰謂斷魂節憶昔別椒閨東
巡禮岱宗鳳翼聊相攜大故遭登舟銀漢不可階茲
辰值

忌辰感感余懷悲遣緒展斯圖圖間有舊題傳神擅老
牢宛似秋氣歸佳人間掃粧相聚擣寒衣即今重織絰
親蠶館復開何當盆手三愴念前人非

寒食日作

二十四番風欲遍一百五日春將深花開花落亂人眼
雲聚雲散愁予心後樂惟希三月雨先憂益惜分寸陰
烟景不乏佳麗趣邇來何事慵登臨

恭奉

皇太后昆明湖觀水獵

水虞應節習昆明
緤獵輕舟罨綠旌
漢武唐堯溯往蹟

燕南趙北效

前行

淀池水園

皇祖時歲舉行之朕亦偶試二

舉

次茲以昆明近而便故奉

皇太后觀之

求便衆咸稱樂取戒多鷗未致驚景麗春和欣日永福
增

慈履視滄瀛

由玉河復至玉泉

聊因習衆水園收幾曲遙源一溯遊夾岸菜花香遞送
黃於金菊綠於油

卧波橋影亘銀川寒食風輕穩度船賜火那須資蠟燭
綠榆無樹不新烟

山色花光續靜明華滋

館名

小憩足怡情尋春向者無多

日錦埭新看有落英

詠翠雲堂雙枯

兩樹盤盤蔚翠雲四時無改自超羣隱如俯視羣芳道

任爾千紅萬紫紛

永世名堂占翠雲
胎仙欲下更呼羣
春松比似還差勝
未致和家擬議紛

課耕軒

疏軒倚秀巖俯暢名課耕溪田帶左近引水藝稻秔
外即高田禾麥千畦呈向者偶憑牕欣聞叱犢聲今來
再騁目綠刺已滋榮及時資好雨庶可希西成豈辭欲
速讓惟是先憂并濃雲看漸徂惜哉心忤忤

詠史

范叔困說力擔石乏自資黃緣事須賈客乘從之齊牛
酒不敢受賈聞猶怒私告相相亦怒折脇行刑答佯死
卷以簣乃得免禍危姓名易張祿伏匿恐人知幸得鄭
安平薦刺歸王稽橐載避秦相待命復歲餘叶上書慢
言外觀王俯仰姿計行乃言深封侯不逾時微行諗須
賈綈袍憐賜之御以入相府先入怪久後門下告之故
肉袒謝罪遲三罪既庭數馬食縱以歸德必償一飯怨

亦報睚眦

叶

安平旋降趙王稽坐法誅

叶

蔡澤遂適秦

相位竟奪其機謀誇百變時窮安能為是始還是終小
智真大癡

自訟

行如畏難安期進詩務求多定鮮精我每於斯未能信
聊因自訟驗平生

題董邦達西江勝蹟

滕王閣

帝子長洲烟水渺
仙人舊館畫圖新
千秋風月是公物
一晌披探即勝因
擬看西山將作雨
誰憐舞席久生塵
片帆風利江樓近
似送龍門作記人

百花洲

澹蕩百花洲
林泉與靜謀
已看文石立
便擬藻船浮
小憶鴛鴦灤
曾登烟雨樓
一般天水濶
千載畫圖留
奇境
曾何盡遊踪
可遍不問誰
斯結構聞說
宋商邱

北蘭寺

平陵雄堞法王宮，微徽仙梵疑飄空。
僧房花木深蔚秀，愛彼幽篁曲徑通。
因迥為高就，卑下自然妙理標。
禪宗襟三江，北蘭寺經始斯者南。
豐子誰謂伊人不解詩，江聲月色真詩髓。

鏤江樓

鏤江百尺聳岑樓，下俯潯陽日夜流。
雪浪至今淘不盡，

高眠逸致想蘇州。

韋應物詩有始罷永陽守復卧潯陽樓之句

歸宗寺

山陰已自佳清賞興未已覽勝愛廬阜卜宅因於此旋
捨居梵僧清池心共止誓墓有高節歸宗示淨旨餘事
付龍跳墨雲黯湫水

秀峯寺

秀甲廬山秀元標淨土元寶華飛傑閣珠瀑掛前川俗
却三十里僧安六度禪至今傳迥句祇有李青蓮

萬杉寺

大超手植萬杉默然不辯聖凡何必元珪說法山神示

蹟東巖

三峽澗

水石相遭選奇變不可窮擬展蜀江看

石渠寶笈藏李公麟蜀江卷盡

三峽瞿塘之勝

瞿塘是異同

棲賢寺

李渤讀書處今為釋氏居棲賢存故號無聖演新書珍

重昌黎輩排斥定何如

白鹿洞

與區五老峰之陽仲季偕隱潛德光厥有白鹿性馴良
羶薌名勝爰始唐後來朱子守南康葺治書院開講堂
五教四事規制詳溪名貫道水洋洋上溯洙泗其源長
興賢淑世予心藏

東林寺

白蓮當日名社青山萬古留姿翻經欲修淨業落諦已
涉有為靈運肅然伏意淵明忽爾攢眉惟有巖花溪樹
識得三笑如斯

吳章嶺

吳地此雄關廬山維北轉嵯峨羅層峰盤迴架陡棧陡
棧若無路行人為跼步嗟哉名利子冒險紛來去來去古
復今吳章自碧岑陸文不可作董法猶堪尋堪尋巖壑
表一一供幽討借問轆車迴桃李收多少

癸酉秋命董
邦達典江西

卿試經歷諸
勝因成是圖

微雨

微雨剛成寸雲徂旋放晴較恒風自善曰及節非情檐

瓦垂輕滴階茵潤始萌也知時令早預盼每心忡

永定門外

一夜雲容聚散爭曉來春宇麗新晴輕烟宿潤相融洽
頗喜青郊物向榮

土囊風息不揚塵微雨從看捷有神恰值鳴梢向南苑
試蒐蕪兼為一行春

羣稱地潤知誠否畢竟親覘始慰心却惜一犁猶未及
綠疇何以發秧針

行園

南苑臨春暮青郊試小蒐
略觀虞者技宛憶少年遊
勞衆寧堪亟攜孫自有由

今年兩孫皆八歲因攜以來示之度也

翻犂見耕

父諧牆每延留

風

卓午山吐雲復引望雨意宿潤欣稍佳
優霑希更繼少頃乃變風
踰然作氛翳寸澤曾幾何而禁吹
萬恣罷圍坐行宮跼蹐愁弗置

陰榆書屋晚坐

杏朵舒妍蘭放馨
洒然書史慢紗青
庭榆影淡月初上
院柳烟濃風乍停
適者戚欣真暫幻
少年俯仰已無形
祇餘架上芸編在
隨意披翻悅性靈

謁元靈宮

中天嵒嶮鬱羅臺
虎豹重關寶扇開
已看卿雲護丁甲
更希時雨命風雷
真花繞砌新韶秀
仙構扶霄舊寶枚
敬仰

穹碑閱三世祈年此志每虔來

德壽寺

芳甸春明碧草萋乘閒淨業覓招提到來俯仰足新趣
著處徘徊有舊題

春曉

澹蕩離宮曙禽聲出樹遲露滋花氣馥旭影柳梢凝理
趣清平旦春光及暢時未遑觀景物九寓入籌思

即事

次第封章畢指揮青郊草淺試春圍設如驀遇姚元景
咨事安能待獵歸

吉驄駁娑破晨涼略欲親勞亦戒荒輸與廿年前意氣
揮鞭數肋射銀鷹

雙柳依然牽綠絲陌旁駐馬立移時去年文賦從頭讀
不更臨風構藻思

裕性軒詠玉蘭

一樹當庭萬玉蕤春風別館及芳時色香兩字無餘淨

緇几憑叅性所宜

續寫春光得爾神去年題句壁間新

去歲來此亦值花開

較量含

韻齋前樹清詠饒他兩度春

舊作有裕性軒為含韻齋之句含韻齋圓明園賞玉

蘭處也

曉陰

曉陰重春宇佇看久徘徊潤渾青郊縱霏微數點纔祝
風其莫作恐霖又云開點筆艱佳句惟應道惜哉

夜雨

入夕聞風息深更報雨零
靈零遙想像浙瀝細酬聽
喜浣花蹊塋希滋麥壠青
少時勢徐止敬枕意無寧

春曉即景

問夜無眠尚衣早三驅意足命歸輿
中人縱是頻來往未及躬親侍

起居

溶溶曉月漏輕雲古樹禽聲傍曙聞
昨夜雨纖風卻驟滿庭紅惜杏花紛

豐臺迤邐接凉水宿雨雖微意已佳綠竹緋桃護村舍
幽情往往繪秦淮

率題

至人不夢勞人夢吉夢常稀噩夢頻寄語槐安未醒者
幻猶如此況其真

漪瀾堂

弓樣圍樓鏡樣波中堂儼是影清娥漫言七寶瓊居綺
不藉千枝挂樹娑檐際光翻銀液藻窗間聲按羽衣歌

獨予水鑒因心切澄照何當惕對多

建福宮詠紅梨花

李花太白海棠紅斟酌穠纖著禁叢最是麝風琳月下
仙人遙在蕊珠宮

齋居

齋日視祭差

大祭三日
中祭二日

致誠應無二况茲饗

先農孰非為民事暮春諏吉亥將臨千畝地土膏雖潤
升時雨乃艱致豈不日密雲未行徒亂意

祭

先農壇

歲歲躬耕耜勤農

皇考貽

松壇先肅禱穀寶冀豐綏琯玉調韶濩山龍式禮儀春
雲頻聚散時需切翹思

文徵明春山烟樹圖

春山秀冶含姿春樹烟融雨滋記得楓橋那畔所逢往

往如斯

題張宗蒼山水

佛鉢中青萬葉蘖排空翠影落牕虛白雲谷口仙家竈
黃樹村頭靜者居石穴溶溶出鍾乳峰坳臕臕矗森然
伊人肥遯真無悶不是窮愁自著書

御製詩二集卷四十七

欽定四庫全書

御製詩二集卷四十八

古今體一百二十首

甲戌四

孟夏時享

太廟述事

太室修時享躬親

祀事將本仁思警效觀德想衣裳樂律含清徵南訛屆

正陽若憑欽

降嘏繼序勵其皇

常雩齋居

旬餘逢八齋

自三月二十三日因祭農齋戒至是十二日凡八齋

先端居得靜便

靜便心應適而轉愁緒繁緒繁云緣何望澤意殷然往來郭門外非不麥芊芊及時施甘膏乃可期餅餠絮雲亦屢作率被狂風牽齋無不用敬

明禋况祈年望柱占礎潤遑問春闌珊

題王詵漁村小雪圖用蘇軾烟江疊嶂詩韻

烟江疊嶂及瀛山存亡滅沒隨雲烟

二圖皆王晉卿所作見董其昌畫譜

漁村小雪最後出曹碑晚見哭漢然

見宋肇識語

著粉古法

為積雪破墨奇構飛流泉間石林樹棲危嶂案衍沙石

開平川川橫樹稀蘆葦接蝸廬鱗舍洲嶼前舉罾下網

作活計病腓那避嚴寒天摩詰雪溪千古獨津逮難辨

誰姪妍已覺冷風拂玉浦又如濕氣生銀田瘦金真蹟

識暉首屈指閱世五百年不矜細行終累德絕藝胡乃

神而媚惜哉髯翁未見此有如佳境對以眠江上愁心

屢賡和金聲擲地飄乎仙否則不說是真說使我欲問
嗟無緣展圖叫絕和艱韻誰謂長公缺此篇

常雩恭祭

南郊禮成敬述

祇祓晨興早倌人夙展軫齋鐘鳴傍曙鄉燭燦於星龍見修
禋祀壁陳希

佑聽東郊正需澤顒仰需時靈

率題

謂風有知乎胡雲興而即毆謂風無知乎胡雲興而必
毆無知而毆伊誰之愚有知而毆伊誰之辜愚不彼推
辜不我譏念彼麥田蒿目以嘻

自警

悅而不繹非真悅從而不改豈實從芻蕘下詢邇言察
用中執兩慎登庸

即事遣悶

夜晴圖睡待生雲曉問仍晴風轉聞踈踏何方致時雨



徊徨惟是慙

去聲

為君

仲春望澤已無聊
春去夏來澤尚遙
彼際謂猶少待者
汝云何以待今朝

閏歲雖云節令遲
便遲已即暮
春時農諺麥收三月雨
明當立夏更何辭

遣悶應知悶遣難
幕調無術自奚寬
臣鄰識我憂勤意
修省無煩誠在官

蜥蜴商羊卜已勞
麥期滋迫望滋切
絮雲傍曙西山吐

目注心期大需膏

聞江南米價平詩以誌事

淮揚秋災重澤鴻時廛慮亟力事燒草乃得涸沮如興化
及鹽城頗有春耕處加賑不啻再猶恐或遺誤邇來大轉旋
徧野青秧布恃此民心安鄉里不輕去又聞市頭米其價乃
如故此事豈無繇凡百謀貴預去歲災方形倡言採買數
聞之亟止之民趨利如鶩踊貴有必致況復吏役蠹大率官
收五民將倍十措不如聽其便濟之截漕屢伊余籌之深可

以淺言諭今有人於此愛其幼子孺其子日食三無喜亦
無惡與二歲其一曰防汝飢哺其子必不欲反以調飢訴
耕餘有成言古孰與今庶寄語牧民人禮經未易註

詰

黑龍潭祈雨六韻

經春已虛擲入夏更何堪罪已申誠懔求

神禮寶潭載催驄得得視昔麥含含步禱丹梯迴心希

靈雨覃遠慙六事責迫望一犁甘歲歲干

明佑奚辭瀆再三

即事

山左河南信並傳均霑膏雨潤公田慰餘不減望霖苦
因識人情為目前

喜雨

四月十八日

入夕濃雲合翹瞻立玉墀
謔疑勢未定欣畏狀難為
歆枕聽疎密高田度早遲
無眠五更徹有喜萬民知
無憂安得喜喜未抵憂焦
藉曰愁堪放應知志便驕
祈

年繼終始惕息勵明宵況是三時遠惟欽六幕調

王蒙花溪漁隱即用其韻

桃花開矣夾溪頭便有繽紛亂錦流詎是思尊辭帝里
要因避世見漁舟傳神生面別彭澤託志孤踪概許由
我亦禦兒攬烟水

蒙詩有禦兒西
畔雲溪頭之句

梯波惟見起飛鷗

詠玉韞

嘉哉延喜質刻以辟邪形力引烏號角飛催赤羽翎心
平斯體正武緯亦文經金礪旃磨鏡相資視此銘

首夏討源書屋

好雨初霑蘇麥芒問

安取便到書堂疇咨卿貳皆稱喜我意前茲憂未忘

林扉如沐綠雲深書屋根源試討尋修己治平人均未

逮薰風披拂緬

虞琴

雨餘風勢又徐加土潤虞傷嫩發芽展轉自憐還自笑

年來期望太求奢

詣

黑龍潭謝雨

策騎度蘭衢新晴露氣濡二年起槁徧五日改觀殊誠
格夫何有

神庥信不無亟祈亟稱謝滋愧未遑娛

首夏遊大覺寺

靈潭致謝有餘閒乘興因之攬碧山崎徑遵西青卷目
招提遙見闢雲關

山蹊廿里淨無塵
高壤卑塍綠意勻
蹕騎誰何莫須亟
新晴喜看趁耕人

綠林如滴翠峰鮮
白足饒他安六禪
淨室詩成便歸去
小俄延處動經年

過城子山

紺宇臨無地
青城自有山
洞天知第幾
羣岳謁其間
真木琳雲合
丹梯玉闕環
容城今世鮮
未足斂元關

即事

次第封章達禁廷雨時都報麥迴青秋遙漫說豐堪望
憂久還憐意未寧水面藻齊魚跳子松陰莎嫩鶴梳翎
晚來雲氣西山吐重喜淙潺入夜聽

王蒙石壁飛流

荷葉皴山荷製裳漁舟著在水雲鄉次山五首形容裏
靜對方知意趣長

戲題牡丹

雨足看花冒絮遊鼠姑聞道最風流美人恰似初經顧

開掃新粧早白頭

昆明湖上

雨後明湖偶一過薰馨風物向清和祇緣望澤遊偏懶
不覺辭春日已多潑刺銀漪擢魚戟間關綠蔭擲鶯梭
寸心慙慰還虞放佳處流連理則那

水周堂

踈軒駕牝壑文席擬虛舟竒攬烟波態清供耳目謀嵐
光罨牕遠瀾彩漾檐浮澄湛清華賞心期託達周

石丈亭

嶽立真堪稱丈人
莓苔烟雨漬龍鱗
元章磬折何妨癖
奚事當年白簡陳

泛舟至玉泉山

一水通源溯碧川
菜花欲敗柳吹棉
北方候冷兼逢閏
四月秧針未刺田

入畫偏欣耕織圖
鳴機聲裏過飛艖
醉魚逐侶翻銀浪
野鷺迷羣佇綠蒲

山翠迎船自近人
庾開府一例清新
若非好雨迴青壠
我亦何心撰勝辰

玉泉山首夏

維舸欵巖扉
珠宮冠翠微
葉齊山徑瘦
絮重水波肥
帶藻魚兒躍
銜花燕子飛
峽音中琴理
惟愧五絃揮

雨後乘新潤
農人出種多
釋茲無樂我
劬彼最憐他
俯暢波圖鏡
遐睎峰濯螺
候長芳未歇
阜物協南訛

華滋館

蘭逕引意入松雲梳神留生翠潤新雨古籟涼永秋翰
墨味淳腴簡帙懷前修得性在內契悅心匪外求九仙
道固高縹緲隔瀛洲

分鑑曲

一水分雙鑑長隄入渚烟月波如可掬擲向定依然

心遠閣

修己戒放心要在腔子裏治人勵仁心貴不遺遐邇况
乎太山高蔽之惟一指心寧不欲遠所務中其理即境

摘銘言詎為山閣美

寄暢軒

華嚴洞邊方丈居下臨千仞一牕虛澗葉綠鎖不遮目
巖葩芳重如襲裾濃陰藹藹復釀雨澤壤處處方興鋤
問予寄暢如何暢往往後樂先憂餘

創得齋

新齋斷手綠溪邊水態山容結攬全理趣無窮神境迴
江毫供奉待搜研

呂祖洞

紅塵稱進士紫府注仙真
示異常留蹟徵靈每濟人
烟霞九天近芝朮四時新
莫簡星飛昴依稀謁玉宸

玉河泛舟歸萬壽山

歸舟泛玉河背指玉山螺
搜景未良久得詩亦已多
蓬延斜岸綠帆趁順流
波勝處日方午餘閒一再過

清可軒

奇峯一屋翠如流
詩態當前引靜搜
却訝巖房非姓戴

山陰何事每停舟

軒在萬壽山北故云

晚陰

晚陰引我希霖意
好雨霑來未一旬
膏澤豈辭多並善
因思知足定何人

王紱溪山漁隱圖

松風低度玉參差
澹蕩蘆洲月上時
却笑會稽夏仲御
忽傳小海唱來奇

擬蘇軾偃松法并誌以詩即用題蘇畫韻

偃松寫自元祐載春秋八百滄桑改撫松意乃思其人
松則傳焉人亦在似乎否乎我不知興來還疊瀛仙詩

舊作乃用張照韻
照有瀛海仙班章底須婁舉黃與倪試聽古籟千年吹

雨
四月二十八日

晚雲勢重步檐巡佇看空羅織萬綸已報甘膏過三寸
恰欣時節逮盈旬無風點滴夜潛入潤葉霏微枝漸津
喜獲不期慰望外因心惟有倍生寅

鑑遠堂

宿雨初收泮曉烟虛堂鑑遠凭冰筵占將碧落千秋月
借得瀟湘九夏天夾岸垂楊囀黃鳥傍隄密葦隱蒼鳶
長河廿里新波漲耐可中流一放船

長河放舟進宮之作

三歲掄魁典具陳朝來清蹕返楓宸長河廿里輕舟進
蓄眼清和霽色新

欲灑湍流漲影增天光烟態漾空澄鳳凰墩畔鳴榔過
妙繪分明落剡藤

西山螺翠綠波涵聚散雲容天蔚藍汀芷隄楊風澹蕩
詩情端不讓江南

稻畦麥壠綠芊芊踏水車聲別一川最喜迎眸皆潤意
灑珠絲又幕蘭船

樂善園

別業臨芳岸消閒泊綠舟雨餘林翠重風暖鳥音稠
柳珠光綴階花麝氣浮陳王留故蹟題壁合應劉

太液雨泛

玉竦橋邊候綵舟橫流適可命黃頭新蒲弱柳烟絲冑
妙與方壺繪幻浮

菜花結子麥抽芒暢好烟畦潤露光誰識九天城闕裏
許多農景貌江鄉

迎眸北島復南臺面面珠簾未捲開今日清遊餘興在
波光潋灩待晴來

閏月篇

清和餘氣麗正陽朱門闔左臨明堂璿璣斡運不失常

孰稱惟是駐年光在御琴瑟仍清徵不齊之齊大備理
迴環七十二候推節章晦朔從頭起白首老翁笑婆娑
今歲幸得一月多達莊齊物汝知麼賦芋者即羲與和

題董邦達畫

疎竹欹樛古木樛倚巖曲榭碧波周端居類弁一高士
興寄風行及水流

題張宗蒼畫

活脫王蒙荷葉皺懸空迸水石磷磷布帆無恙秋風掛

可是名山愛剡人

御殿傳臚日作

臚唱三聲曉日曈
編鐘清瑟協薰風
希占五色雲朝見
早慰一犁雨昨濛
贊化羣陳萬言策
勅幾自闢四門聰
祇憐退鷁垂雙翅
空望神仙注牒中

瓊島攬景

雨後宜登眺
林嵐觸目清
陰寧春勝夏
島匪石惟瓊
放子魚穿藻
賀羣燕掠楹
麥秋今可望
茂對一怡情

閱古樓

新題閱古署延樓每與前賢共倡酬
一晌徘徊神別契
士衡賦識卓千秋

畝鑑室

古井方深浚天池訝迴成漣漪半畝澈風月四時清
藻蘋魚躍新林黃鳥鳴寧惟斯用汲即事凜王明

太液泛舟

宿雨初收曉露溥微風水面送輕寒
新荷纔點田田葉

激石微添細細湍
圓殿平臨紫虛表
趯臺南指綠雲端
泊舟底識添遊興
岸柳烟絲潤未乾

補桐書屋

假山疊磴窈而深
四壁琴書翰墨林
俯仰箇中猶故我
補來桐樹已成陰

千尺雪

借問真佳處
端惟心暢時
瀑聲新雨壯
夏日小年遲
茗椀原堪淪
鱣圖偶慢披
神遊三即一

千尺雪昉於吳中西苑田盤熟河皆

有之各為之圖四圖合貯一函分藏區別亦奚為其所每至一處展圖即得其三故云

題錢選雞冠圖

絳幘層羅綠葉稠
盈盈似泛露華流
夜深驀向燈前展
還訝雞人報曉籌

詠漢玉韞

未煩磨琢中規輪
鼉采雲霞裊滿身
在擘有緣逢巨擘
却珍無意得殊珍
每因廉澤思觀德
詎止鉤閭詡絕倫
比似珮環常不離
恒看飲手較來親

西直門外

秋麥芄芄春麥萋短長畧異吐芒齊那忘待澤方殷也
且喜懷新亦迅兮曉露尚灑青壠外輕雲又起碧山西
邇來纔覺心源潤腹藁行行著處題

聞河間景州望雨即事書懷

連朝膏雨利耕畝遠府稀霑為望頻畢竟憂多欣慰少
即吾可以例他人

趙孟頫夏木垂陰圖

或坐談元或理綸盤中總是倦遊人垂陰綠樹堪消夏
活脫王維句裏神

賦得樵夫笑士

得流字八韻
散館試題

樵斧碧山侶心希王道修士如默以處彼得笑而尤齒
齟奚妨梁古藏寧不差行歌無降志寢厝有深謀詎讓
江湖客獨懷廊廟憂蟬寒信何謂莢獻可同不束未曾
因濕負常戒反裘莞然定誰氏或是買臣流

御園雨泛

閏四月
初八日

曉陰微雨雨還晴却引中心慰望生過午密雲旋大霈
烟波耐可暢予情

疾徐嘉靈正迎梅暗數前番十日纔銀竹森森洲渚渺
瀟湘畫燈面前開

囊零入土實稱甘結穗方欣二麥含此地佳哉晴亦可
一時懸念到畿南

摹唐寅事茗圖即用其韻

記得惠山精舍裏竹鑪淪茗綠杯持解元文筆閒相仿

消渴何勞玉虎絲

曉

砌苔蛭出泉庭樹雀弄響露氣既滃
匝溪烟正蒼莽大哉造化功轉旋易
反掌寧即忘憂愁已殊觀氣象志厯
三時遙心周九寓廣畿南况密邇尺
澤羣資仰密雲如解作冀被無偏黨

飼魚

銀塘雨後鏡光鮮投飼閒憑畫檻前
潛藻誰云善深隱

浮波妬餌看紛然

題趙雍山鷓棠梨

逐逐山禽態逼真一枝借得正芳辰
黃蜂欲捕涎先墮忽忘花陰挾彈人

細雨

如絲細雨織空稠實類欣知麥有秋
喜近寧能獨忘遠一時懸念到瀛洲

周臣羊裘垂釣圖

解札澤中居垂釣意匪魚五羊自鬻者清濁定何如

讀齊語

小白反於齊鮑叔進夷吾中鉤懷舊恨宥用猶是夫誦
辭請諸魯施伯何妨乎一如鮑叔料施伯果進謀殺而
授之屍炙輅安用諸使者復致辭欲生得戮屠乃使束
縛予將以返歸途比至齊國境三浴三嚮塗施伯謀誠
高再請情見初胡乃生予之終為魯國憂^叶齊使又奚
誰智如鮑叔徒倉卒為詭談生還敬仲俱戰國尚機變

紀載強半誣善哉子興言盡信不如無

直隸總督方觀承奏報河間一帶得雨因成口號
畿南今日喜音來好雨均霑鬱抱開奏牘頻繙難下筆
恐防從此諱言災

題文徵明茂松清泉圖

橫琴不鼓有餘情聽取潺湲絃外聲茂樹嘉陰默相對
肯談俗事擬班荆

泛月有作

閨過清和暄且妍乘涼液沼泛蘭船璿璣暗定周天度
玉魄明饒一月圓水榭山亭原恰當宣毫江硯又依然
亦當及節憑烟景今歲清光塞外便

今年巡幸吉林烏喇先駐熱河詠於

夏至後啓蹕當至
冬月回鑾故云

賦得窻中列遠岫

得同字八韻
選館試題

向遠千林表來青一牖中非關隔紗綠不藉照燈紅橫
嶂還含秀遙峰若接空形容堪意入呼吸與神通手豈
煩王宰肩如拍葛洪雲端常縹緲天外尚穹窿石澗垂

簾水松巖謾竅風謝公將白傳吟望恐難同

沈周郭索圖

應月期無柰稱星度不差黃泉雖後蚘渤海却降蛇

熱

閏四月
十七日

清河未改候驟覺暑風吹入夜占雲合連朝待雨滋田
功縱無礙節令恐非宜屈指一年內寬心得幾時

新蟬

綠陰未老試聲時嘒嘒猶慳疾復遲細擬爭先傳響意

幾曾清實畏人知

題徐賁聽泉圖即用其韻

幼文詩畫稱雙絕真蹟居然見聽泉石瀨月娟杜工部
香鑪日照李青蓮滔滔流水自終古落落長松是大年
想見山川得神助九龍深處抱雲眠

賁又有眠雲軒
圖并藏內府

雨

閏四月
二十日

劇熱剛增盼雨意宵來簷注落前楹及私惟願周千里
不寐何妨徹五更遙擬疾徐隔牕勢愛聽颯沓滴梧聲

目前農兆誠多幸此後悠哉望歲情

御園雨泛

朝烟欲泮景偏殊細霏旋零優且濡
肝食纔教紓望切午閒畧可識清娛
輕浮彩鷁行還止密織空羅有若無
恰似輞川圖畫裏一篙衝雨泛歌湖

題劉松年中興四將圖

會稽棲後小康稱嘗膽無心事中興
萬里長城誰自壞一江天塹竟奚憑
操戈致恨同而異折鼎終緣負且乘

千載雲溪傳面貌雲臺合並凜威稜

玉河進舟至玉泉山作

一雨昆明水漲波夾川農事閱如何雲黃徧碩高年穗
毯綠纔分嫩稻科

溪村伊軋響繰車間却鈎筐笑語譁聞道南方春雨冷
恐遲蠶事憶杭嘉

溯洄因至水源頭別館芳菲足憇留今日香山駐清蹕
翠峰早喜近迎眸

前朝亦詣靈泉禱祈雨無言謝雨言此後三時正悠久
慰心姑置懼心存

首夏靜宜園駐蹕

緹騎宣傳避綠苗
乘閒巖館靖喧囂
風前嘉樹流仙籟
雨後橫屏展翠瑤
即事山居良有異
會心佳處不關遙
摘毫又得今來句
地迴因之意亦超

心期常與靜為因
却笑非能常靜人
暫遣餘閒來首夏
久拋絕勝閱三春
山禽隱樹能調舌
野蝶穿花不帶塵

分付嵐光應好在駕言避暑待時巡

皋塗精舍

一雨滌炎壘山川乃許佳綠槐剛蔭戶紅藥已翻階好
景皆宜賦良農信慰懷於茲散充屈暫與靜音諧

靜室

得要居高颢風烟嵐變態一牕中偷閒大畧觀如是
萬狀千奇豈易窮

題元人達摩像

碧眼虬髯紫跣跌色即空忽思遊少室石影得毋同

即事

豫中已報秋登麥山右新稱雨潤禾自是籌農心為慰
益謙損滿惕猶多

題漢玉盃

逢占詎待少君知曰白應思涅不縑枯間之間自伯仲
砭砭以下那追隨腹空漫設遊辭誚色澤還看英氣蕤
慨想茂陵終復出達觀擬事鄴上人聲人椎

賦得紅藥當階翻

得書字八韻
試中書題

畫壁曾聞省庭槐亦有廬宛看藥已放又是夏方初穠
質偏清態前遲得後舒鄭風真蕩矣謝句信軒如風影
和去聲球珮日華烘粉除碧苔欣共綺穢草故應鋤了不
知春去還疑對雨餘何人思戰勝却擬直中書

題唐寅嵩山十景

草堂

卜居擬楚畹遯跡寄嵩陽兀坐凝思者幽吟概十章

倒景臺

招邀馭風客伯仲絕塵子設非戰勝人駭目神越矣

樾館

即林構柘架艾坂足茅茨黃庭常在手彷彿傳羲之

枕烟庭

宵若枕烟庭浩然此棲遲既云忘世者屢校又奚為

雲錦淙

石激瀉珠湍色聲供靜悅我亦臨田盤創名千尺雪

期仙磴

緱山即比隣曾是吹笙處伊人會可期烟巒從此去

滌煩磯

深山大壑淥神心斯靜極借問滌煩人煩復從何得

羃翠庭

灌木積嘉陰盤中窈復深橫琴坐對客請聽絃外音

洞元室

藉草為重茵因巖作虛室內景是真丹無須煉水碧

金碧潭

結構本盧鴻藻績復伯虎太少總無言堂堂自今古

夏至日有事

方澤禮成敬述

瞳瞳曙景蒼

帝幕色惟黃祀典修周歲疇官報正陽薰風韶琯叶湛

露玉觴漾

鴻貺安貞永欽承敬益霽

驟雨

驟雨繼以徐入夜勢未止優霑不逾旬續霑實稱美灑
潤已愜懷清聽復滿耳二麥早登秋禾黍苗皆起油油
色澤濃斯渥又堪喜明當啓行旌展軫淨塵滓柔遠籌
永圖考農察近理受寵宜若驚勗人何況已

端午日恭侍

皇太后觀競渡

宿雨初收泮曉烟奉迎

慈馭侍榴筵心殷愛日承歡節景麗懸蒲插艾天點綴
雲峰留碧宇參差水樹菴朱船五絲延壽占
遐算願共薰風億萬年



御製詩二集卷四十八

欽定四庫全書

集部

御製詩二集卷

四十九
五十

詳校官尚書臣德保

助教臣常循覆勘

總校官原任中允臣王燕緒

校對官學正臣卜維吉

謄錄監生臣蔣雲師

欽定四庫全書

御製詩二集卷四十九

古今體九十九首

甲戌五

恭奉

皇太后啟蹕幸避暑山莊之作有序

溯豐鎬發祥之地靈萃萬年憶椒蕕躬薦之秋星

周一紀載瞻

祖烈祇謁

丹丘爰訴日至之上旬適度天中之令節敬扶

安輦暫駐山莊時則準噶爾部策凌策凌烏巴什等率
衆來歸迎鑾肆覲用即卷阿之勝境錫茲湛露之
鴻儀迨夫候屈金難廼復時巡東國禮因事舉詩
以日增啟蹕初程命篇伊始

追遠柔遐慶典覃天中卜吉啟行騁東巡五載茲惟倍

前以乾隆癸亥至盛
京閱今十年餘矣

西極四夷彼剽三

準夷四部曰準
噶爾曰都爾伯

特日和碩特曰輝特策
凌等則都爾伯特部也

計里方欣日正永清塵喜值雨

霑甘山莊避暑今年信

家法欽承敢即耽

雨中過清河

拂曙鳴梢過石橋
吉驄絲雨度飄蕭
麥登高廩先秋見
萬頃仍看遍綠苗

漸石頗憐行路艱
老農額手笑開顏
因思利弊難兼顧
我亦惟權輕重間

新月效庾信體

薰風送翔雲梅天歛纖雨既霑晴實佳霽景澄碧宇舉
頭見新月眉痕纔一縷清光散迴霄颿影盪平楚廣寒
惟夏宜寓色憑人取結念在山莊漾舟正三五

懷柔縣

此役示懷柔

七月自避暑山莊啟程往吉林塞外候寒
於行邁為宜且早至旬月者實以宴賚新

歸誠之都爾伯特台吉等彼
皆未出痘故不可令至京也因之度古州山川繚似繡

禾黍綠如油絃誦牛刀試布韋鴻漸求前朝烽堠在何

事守徒修

途中即景

候過北至暑方行恰當風涼陰間晴滿地綠雲鋪喜色
連塍翠浪建秋成山頭霧氣迷離散駝項鈴聲替戾鳴
所遇多欣欣可極每因順意凜持盈

即事

前日御園雨多多稱益善既霑此行役望晴意何限畿
南未霑處仍異尺澤亶因悟希求心與境為旋轉天地
猶有憾為政那能免

晚晴

絲雨如霧霏送爽不致溽寧惟利行旅宜麥資農政密
雲盡歸岫晚晴碧霄淨徘徊坐離宮松月清光映景佳
意亦適點筆因屬詠

出口襍詠

詰旦鳴鞭趁晚涼白雲遠嶠復蒼茫黍禾已勃寧晴好
自哂吾懷曷有常

塞田每看好秋成綠茂彌岡已慰情暗卜有收疑信半

大都期望忌其盈

萬峰濃濯翠芙蓉
南北隄防慨想餘
今日玉關為外戶
年年巡狩奉

安輿

輕雲不雨風含爽
迤邐山行那覺塵
自是玉驄黃繖蓋
却欣蔽日惠多人

巖關背指障崔嵬
塞外嵐光直北開
真是不征閭左富

聖人深意示招徠

沿邊諸口皆有稅惟古北口無皆康熙年間定制云

雉朝飛

道閨候遲矧塞寒仲夏雉朝飛塞山據岡雖侶輝藻翰
氣滿不惜繡頸斷叶失者索莫得者閤揚翼決起青雲
間楚國路人或欺為鳳賜金十倍憐其意重如是郭隗
得亦何用

夜雨朝晴

夜雨宜農務朝晴利旅行兩全實艱致竟夕比秋清澗
漲東西水亭開長短程山莊至指日喜氣早逢迎

灤陽別墅

陰森灌木稠別墅小延留雨過山當戶風來夏似秋依然饒靜賞不息俯澄流學海終能至因之悟進修

小金山

巖齋颯爽試棲遲灝漭江聲過雨時小大試將浮玉較南華齊物笑人癡

至避暑山莊日都爾伯特台吉策凌等接見

路左傾誠候屬車來歸憐遠自負渠識時稱傑惟嘉爾

敷德賓遐何有子錫爵都教加袞服賜殮還擬賦嘉魚
一家中外歡言暢底事周官藉象胥

駐蹕避暑山莊

仁祖當年茲避暑今來避暑奉

慈親敢圖逸豫忘深慮亦為

去聲

柔懷恤遠人勝地秋臨

雖已屢好山夏景訝初新却思卅二年前事

予十二歲時侍

皇祖避暑於此
今三十二年矣

聖日依然照此身

題王蒙秋林萬壑圖

秋絢峯姿紛紫翠書披古道益精神
板橋策杖來過者應是相咨奇字人

對瀑

虛亭臨崎岸欲濺落湍流千澗初過雨
四牕颯似秋花香紅錦亂樹密綠雲稠
欣遇多殊狀新題觸興投

禱詩

時雨復時晴山田如助長塞外秋常豐
今來悉其象百

人抗浮勞一人挈而往得要為力易勇夫出重賞祈農
厘恒心籌遠運今想誰為無事人况我所仰

流杯亭小宴都爾伯特親王策凌等

宛轉清流繞石渠羽觴小宴歛康居呼前手賜笑言接
喜可身循禮法初荒畧從來事杯飲傾誠那解飾虛譽
裒蹠錦段頒中禁滿載歸教豔拂廬

宴都爾伯特親王策凌郡王策凌烏巴什等於萬
樹園詩以紀事

萬樹參天煥曙霞
穹廬酒醴樂柔荑
薰風五月偏含爽
湛露三巡共拜嘉

天與人歸寧可拒茅分爵錫
自應加徵招應律歡情洽
試聽編鐘設虞牙

渠搜何必鎮天驕
來賀傾誠不憚遥
外廐馬為中廐獻

新賓人併舊賓邀

時四十九旗扎薩克并青海諸部王公台吉畢集行在皆令入宴

錄

錫自可隨方俗
冠服同教式
本朝

策凌等入覲後即賚以冠服俱從本朝之

制避暑匪今
厘惠遠千秋

家法仰

仁堯

山雲

山雲易雨易為晴恰似隨人意止行暄潤利農真復慰
越因慰後凜持盈

絕句

稚松喬柳下屈抑不得長其咎在圃師樹人因可想

山莊燈詞八首

傍晚山雲靜碧空
芳園萬樹幕當中
錄鍋君長新來享
應許觀燈示大同

火樹騰輝映綠雲
鳳簫聲應鹿鳴聞
御園節景年年賞
誰識山莊迥出羣

巖風入夕覺輕寒
五月烟花快意看
更向幔城舉首望
錘峯早挂玉輪圓

玉蛾火葢勢飄蕭
借助琳巒落翠標
今歲不惟逢閏月
都稱閏得上元宵

玉塞天寬不礙月雲莊夜靜恰宜燈法輪輝朗空王現
膜拜殊勝碧眼僧

何必夏惟夜方短果然燈與月為緣黃沙青海昏來賀
湛露薰風普預筵

龍膏鶴燄光明藏翠柏青楓澹蕩宵嘉客欣看千帳會
詞臣漫詡九瀛朝

倒挽吞刀百戲陳昇平歌裏踏燈輪重裊列坐歡情洽
底用通言藉舌人

泛月

泛月宜何處山莊景最新
夏宵含颯爽塞水漾明淪
鶴唳孤松頂鹿尋曲澗濱
鍾峯玉臺迥溫嶠早癡人

夜遊山月

夜遊山月當秉燭水月恒同山
月獨踈枝密葉錯玲瓏
橫嶺側峯互續曲燈筵錫罷雲居遙
輕輿緩度升崇椒
緋山笙鶴儼若接興來擬欲招王喬
楓烟榛露淒清甚
湧金劍峽晶光沲
廣寒底用駕虹橋
虛無幻境寧容審

山靈有意助姮娥
慶霄斂盡纖雲羅
即景後賦勝前賦
我心先獲惟東坡

題萬壑松風舊書屋

高槐書屋綠陰勻
曉眼流光卅二春
昔日

恩承

仁祖處今來又作抱孫人

覽性理書

常聞善問人譬如攻堅木
必先其易者後乃及節目讀

書或異此窮理戒馳逐格物一以貫精粗無不燭聖道
豈殊途知行要並最何事立門庭操戈判朱陸

遊山雜詠

赫曦方報夏颯籟頓含涼避暑真仙境遊山趁夕陽
青雲施赤霞背影看翻鴉生色王維畫誰鋪魚網麻
希革鹿未肥漫試射生手忘機亦近人寧獨鷗堪友
巖花錯野繡可嗅不可象黃蝶栩栩雙雙量來大於掌
迷離蔚榛烟潏灑霏蘿露蹠躩珠勒馬迺往風涼處

山莊燈夕錫宴聯句

有序

筵賓應律朱輅方陳遵

祖制以行時奉

安輿而避暑乃有員渠部長款玉塞以來王因茲風土
清嘉就仙莊而祇覲用大業懷之義聿隆燕愷之
恩萬樹園開合舊旅新賓而伸笑語三巡爵徧叙
名藩渠帥以賦龍光喜因閏夏之餘涼復舉上元
之往例雲屏風靜永宇天寬百道虹流恍入恒春

之界千枝錦燦同
來不夜之城載集詞臣共揚盛
事調變柏梁之舊近體聯賡鑣分石鼎之章七言

遞奏

御製

西極來賓示寵章昇平燈宴錫山莊欲因柔遠非誇

富

早識歸仁敢恃強嘉與朝正同燕衍快當避暑悵

清涼詩吟樂愜周遐邇

臣傳恒

占合豐盈協雨暘萬

樹芳園烟幕幕三霄佳夕露瀼瀼乍教貌虎陳仙

仗

臣陳世倌

御製更幻魚龍集廣場望過東園月猶朗節逾北至夜初

長穹隆圓幕卿雲擁

左右賓筵綺席張熠熠騫鸞呈錦繡呦呦鳴鹿應

笙簧蛺蝶膏爛處明宮柳

臣劉統勳

鶴蹏高時出苑牆塔

現玲瓏森寶網花敷頃刻燦螢囊玉蛾來往飛如

織

臣汪由敦

御製銀蝶參差舞欲狂拔地虹流峯樹射殷天雷碾寒雲

翔上元不夜渾今夜

勝事無方洽四方素醜擢毫團窠桂赤烏刷羽燭

搏桑蓬山忽訝六鼇戴

臣方觀承

朱闕欣看五鳳踰枝

聲珊瑚搖碧海匳堆棘鞞映朝陽星球結字分還

合

臣介福

御製冰鏡排輪低復昂輝州聲中山峇響輝煌影裏水翻
光天開奇景龍沙創

序借新年燕綵颺吐火吞刀爭獻伎尋撞履索列

成行折腰引手盤旋架臣萬壽急拍高歌上下吭捷

逞都盧紛雜沓樂陳傑昧震礮礮紅雲一片揚旌

旆臣錢維城

御製綠蜀雙馳過驕驕翡翠翎垂文士帽時命尚書劉統勳協辦陝甘總

督統勳乞銅因以賜之麒麟錦製外臣裳巨羅潼乳三巡遍

甲煎沉檀百和香跋浪長鯨動鱗甲撒空掣電耀

精芒錦棚未散靈絲會臣程景伊絳紙還烘樺燭裝重

聽踏歌喧象板無煩競渡楫沙棠黃梅氣爽清

文園

臣陳惠華

御製紅藕風多襲御床珠勒馬頌天廐秣蹴蔬羊出大官

湘按陸游詩有蹴蔬羊之句注謂有人常食菜忽食羊夢五臟神曰羊踏破菜園云云然國語及蒙古語凡

驛程食物謂之舒蘇蹴蔬音相近陸詩或訛用此注語及覺牽強傳柑一例同堂陸

奉賁千羣共享王新舊藩邦都侍從暖寒歲令總

麻祥團園接坐依

華幄

臣王際華

次第呼名

賜玉漿燕笑親聆

天語近鴻篇宣示

聖恩洋遊從瑤島歡何極

臣張泰開

御製禁放金吾漏未央
長夏尚徵春有象
寥瀛真見悅无

疆欽承

家法聯中外
鞏固金甌奕葉慶

伏日

名稱避暑莊而無暑可避
三庚熾蘊燬不到清凉地
林深山益幽木喬陰乃邃
仰眺浮雲騫暢披爽籟至乃悟

境隨心心靜熱安寄祈農志畧慰桑遠禮粗備偶閒聊
可乘小年詎宜棄芸編足古歡鈿几研精義

登四面雲山亭子六韻

跋馬遵崎棧楓香路幾盤忽看一笠近儼據萬螺端夏
似將秋易心因縱目寬奇峰雲四字活畫樹千巒避暑
最高處披襟生峭寒青瑤蔚遠近何必綴稜丹

天橋山歌

亭子四面雲山頂東瞻案行拖橫嶺嶺上天橋對我亭

與梁誰駕虛無境仙人來往扶欄遊彼岸奚藉一葦浮
祖龍鞭石空費力何如天造非人謀武夷長虹事乃幻
謝傳永安桑海變恰似嵩山玉女牕中秋月每從中見

金蓮花

金英翠葉羣朝霞移自清涼蔓塞沙揚娜恰看當暑放
散芬雅合受風斜兔葵燕麥真凡品蒼苔曼陀本一家
暎日當年承

佛笑肯教弄譜例閨花

題王儉撰褚淵碑文

資父以事君本天經地義彥回以孝稱胡甘二姓事可
憐石頭城口碑有公議仲寶樹綽楔乃復騰文字光輔
五君同寅亮二代逮將為直筆書抑為同惡濟昭明但
選文取裁失節制

喜晴

塞雨易為晴昨夜雨達曙黃梅正此時何妨霈甘澍北
地節令遲麥秋方刈穫叶久霖懼霉變以此生憂慮不

至關山外焉知風土殊叶率土皆我民到處厯農務
絲向曉稀翔陽傍午露徂雲忽豁開繁懷逐雲去

荷

沙浦初蕤淨植姿木蘭停柑賞移時韻稱遠俗從教野
芳喜經秋那怨遲鳥吹葉明珠上下魚穿莖綠玉參差
若耶羅綺嬌無力邈爾含毫引靜思

熱

避暑翻欣暑山田熱乃宜寧惟圖已豫常此驗農期節

候隨人轉民艱到處思炎歊雖覺酷風過有涼時

題張宗蒼雲峯登眺

足臨百仞背逡巡下有飛泉拖白紳彷彿伯昏將論射
却無匍伏揆弓人

夕陽

東峰絢曜西峯暝低樹蒼蒼高樹明空雲忽染絳綺色
獨愛光翻鵝背翎雨潤旣優日暄好農應西成登萬寶
誰謂射生孳牧疆都識較晴量雨道百歲休和事不易

因之益凜持盈意後樂底似先憂多暫時寄興摘詞慰
荷露烹茶

平湖幾里風香荷荷花葉上露珠多
綳壘收取供煮茗
山莊韻事真無過
惠山竹鱸做易得
山僧但識寒泉脉
泉生於地露生天
霄壤寧堪較功德
冬有雪水夏露珠
取之不盡仙漿腴
越甌吳莫聊澆書
匪慕煉玉燒丹鱸
金莖漢武何為乎

管道昇竹溪攬勝圖

溪上扁舟竹裏村
春深流水到柴門
洒然信可澄人意
題句誰能作綺言

清舒山館

清舒舊愛三秋好
却悟清舒夏最宜
幽聽滿林風颯颯
寒光當戶雨絲絲
既深斯靜目因遠
妙合而凝意與遲
野雀不知人在座
將雛時向綠牕窺

山莊曉景

肅轡凌露晨趁涼
陟層巒霏微夜雨散
離披朝雲騫人

家在谷口井間騰曉烟寒氣逼不升變霧如白縣我欲
乘之遊滄海逗三山山莊咫尺間乃作萬里觀

題張宗蒼山水畫

雲山足蘊藉草木自長養繚曲谷幾重盤鬱松千丈那
容俗子來除是高人訪北牕展芸編聊結義皇想策杖
過溪橋為愛書聲朗

習字

間日視閣章

凡臨章內閣奏本每間二日
一至其機要重務不在此例

山莊有清暇

有暇亦何為讀書及習射書亦六藝一自古重墨稼柴
几鋪玉版嘉陰就松架繕性歸平易變體祛奇託舉首
瞻

奎文當年此消夏

戲題蘭

澤蘭自昔擬騷人南國移來塞地新水土不諳風月異
芳菲強弄鮮精神

塞蟬

較內地者大而聲壯蒙古名之
曰綽爾濟綽爾濟者胡語也

塞榆雨霽流繁響靜聽咽嘹亦自嘉蒙古不知虛體物
指聲直謂是胡茄

日影

浮陰每蔽日今日乃豁朗塞天益寥落千里浩莽蒼庭
樹弄其影靄靄沿階上花蝶粉翅翩榛蝸淒聲響何當
中伏節忽作新秋象老大誰所為如駛催時往云何於
其中欣來不懷曩禹惜良有以陶言兼可想

招涼榭

嘉蔭之下芳草多塞水無定流成河西峯遮夕陽北谷
來風涼三間虛榭堪徜徉萬民疾苦吾心藏於此聊以
騷歲月亦不自道傲義皇

新月

將為載月遊蛾眉便延頸雖遲滿輪光已作宜人景星
榆誰則覩塞樹佳莫竝露坐不知寒日共踰西嶺

喜晴

兩日晴乾利塞田昨宵雨又達晨連徂雲過午收殘脚

一片斜陽墮馬前

塞雲雨易晴還易幻景斯須莫可形信步乘涼登極頂
四鄰山色一時青

到處籌農較雨晴封章近每喜音呈飾詞諒不頻來瀆
祇慮吾心或滿盈

山城夏霽歌題錢維城畫

赤夏賴雨亦賴晴潤之暵之禾怒生老農較量誠不易
幾多辛苦方西成是時山莊駐翠旌甘霖早澍溝渠盈

解作既息暑亦滌鵲呼正報開初晴片雲歸岫弱無力
涼風吹樹壯有聲黍高粱下盡滋渥油油葉嫩炎曦明
延樓埤垸曰綺望登臨縱目堪怡情餘事萬概都恰當
一喜所遇皆欣迎層峰沓障濯新翠烟阮石谷淙繁鳴
深林露墜茅屋濕野水漲到扁舟輕何來塞景肖江國
謝公佳句真豪清侍臣扈蹕圖所見宛然夏霽呈山城
高張白壁拂爽氣巖間輝暎新陽晶

登霽樓

浮雲歛盡霽光披，疊樹重巒面面奇。
不上層梯騁遠目，安知物色此間宜。

載月用舊作秋夜泛湖賦，唐文皇爽氣澄蘭沼得。
詩五首原韻

載月夫何為？為是納涼爽。抑知塞景佳，羲皇未呈象。
古鏡若可攬，千里近指掌。青雀舫名乘虛無，瀛洲恣俯仰。

俯仰仲夏徂，上伏又云旣。山靄夕送涼，誰云秋尚未。
際此銀蟾輝，所遇欣為貴。謝賦興邈然，那染雕蟲氣。

雕蟲習氣澄靜賞得心凝九夏渾無暑一輪都是冰桂
棹盪寧緩締衣涼不勝雲巖蒼鹿呦何殊嘯孫登

孫登蘇門山嚴陵富春灘獨樂信無悶楚誦嘉荃蘭文
皇我同道遐心企貞觀惟懷萬民憂非圖一己歡

已歡不可亟繁星晶塞沼維舟息巖館挈壺傳漏杪舉
首眇紗牕綠影西移了新晴今夕佳明夕當更皎

賦得鍾峯落照

一柱標雲漢千峰最上層亭亭明夕照煜煜蔚霞蒸落

景連空翠騰光入碧澄西崖翻直影東戶引閒憑何必
憂騷客端宜悟苾僧送將朱鳥隱掛得玉蟾昇逸趣發
菁藻餘輝帶絳繒神鍾工體物惟是

聖人能

金山

湖中一峯聳起上建傑閣步廊周遭碧波千頃

皇祖記所云如登妙高峯上北固烟雲海門風月皆歸
一覽真情實景不即不離

銀瀛一朵青蓮聳瑤屏琳岫相環拱龍鱗之石翠羽木
祖洲碧草鋪葦葦枝撐纔出綠雲幽朱閣三層居上頭
恍如妙高陟浮玉壯固嵐光與目謀灤江已似惜稱小
寫景天然此真好洞庭樂是鶴鹿鳴猶憶

軒轅茲訪道

董其昌秋林書屋用畫間題者韻

板橋橫野渡書屋占清秋行以擘窠法應從渤海求

月夜聞蛩

漾舟逗星渚，淒吟發露坡。塞夕已颯，沓塞月猶婆娑。歐陽賦未就是聲，東則那婆婦怨別離，孤客悲蹉跎於我何有焉也。覺秋懷多。

題張宗蒼雪景

畧約縈紆俯凍灘，遙峰天際玉巔巔。誰知自寫江南意，雅合高張塞北看。

恭侍

皇太后觀荷

平湖香錦夏風吹長日承

歡此處宜已喜自天無暑氣可知隨地有西池當前頓
覺忘闕塞開後何須較疾遲蓮葉蓮花不如藕愛他延
壽縷絲絲

捕魚

隄分內外湖置牯期節制內湖育鱗族蒸然繁其類漏
卮或旁出潛躍乃於外侵尋落野潦釜烹同浪棄乘閒
命呂師濺濺臨流試鯉鯪其品義生放內湖既鱧鮓其

品惡建衆盡分賜縱之斯未能挈入原有自忽憶文王
圓却笑此何謂

閱本

三日一閱閣部章一日幾務三日當寧母喜逸怠於忙
否或忙裏失精詳能言行則敢弗費綴辭用箴勵自強
邇來遠近時雨暘西成顒望萬寶穰去歲災重厓淮揚
麥收幸得米價平叶祇聞山水發閩漳室廬則壞稼未
妨命亟撫卹令獲康詎云視民能如傷要惟斯志恒不

忘

習射

佳山佳水漫遊娛
習射相將校壯模
詎可太平耽燕醑
從來男子事桑弧
心平體直爭何害
志定功成語不誣
猶憶髫齡茲扈蹕
樹侯連中被

恩殊

登四面雲山亭子恭賦

皇祖山高先得月之句

峻嶺切雲漢孤亭俯渤瀛
水輪繞湧出玉砌早光明
培塿難為障姮娥若可迎
有林皆一桂無界不清盈
手寒何礙流晞魄倍晶
兔原龍塞物鹿作羽衣
聲谷口猶燈火河邊辨
吟營萬方歸朗照辭見

聖人情

夜遊山月作歌

乘涼徙倚崇岡巔
畢景暮色來蒼然
巖樹傑池漸欲隱
我亦因之拂錦韉
迴頭下視東海水
一輪冰鏡從中起

如聞七寶宮闕間纖阿謂我行且止
崕枝澗葉重光輝
陰嶺陽巘幻益竒石泉輞水潄上下宿鳥繞樹聲參差
高處雖寒遠塵垢左招吳質洪厓右早嗤羽客術已勞
却憐爝火光何有雲莊松塢言歸來琉璃界裏行龍媒
湧金閃玉莫可狀絲轡珊鞭且慢催却憶年年遊上苑
蘭舟桂棹遲且緩北人使馬南人船欣茲本色得何晚

依綠齋

依樹開軒榭嘉陰綠滿牕階前書帶裊牆外玉琴涼梁

燕窺巢舊山鼯掇果雙揆毫期擬古花讓筆生江

爽

雲散寥天迥風來大野長多人欣却暑萬寶慶宜陽耐
可紗衣試何妨紈扇藏不須秋意至此地本清涼

詣溥仁寺

祇園山館東佳氣鬱籠蔥帶水塵凡隔屏山秀色融度
橋尋淨地指樹識禪叢五日宜人霽一天華黍風占年
惟此樂禱久更何衷拱讀

穹碑罷

是寺建於康熙五十二年
中有皇祖御製碑文

天襟想像中

荔枝

閩中嘉實到秋前
朱顆纍纍湛露鮮
塞北冰盤供夏清
定知解暑更

延年

廣博誰能窮
蔡譜品題都識數
陳家連樹擎來青
石嶺却疑兩度過
仙霞

赤珠囊綴翠瓊株
方物何須辭不須
一騎紅塵味仍敗
始知記載率多誣

題張宗蒼畫

驛便携來山水圖
滿林濕潤尚模糊
本來合是巖齋挂
簾外嵐光了不殊

立秋日作

無暑謂當秋不覺
誰知秋信益分明
昨朝婪熱蒸為雨
今日新涼迫放晴
何必碧桐方識節

桐性畏寒
塞外獨無

由來鴈

日已懸清山田迎望西成近層閣憑臨一暢情

雲巖歌

雲之巖巖生雲黻黻霏霏氣復氲巖之雲雲籠巖嶺嶙
嶸薛嶠且堪巖為體兮雲為衣雲中君兮憺翠微雲為
輿兮巖為蓋巖之仙兮頽如醉芳有時而春韶翠有時
而秋消閱苑枯兮四序合動靜兮終古動豈我知靜豈
我為明月今夕流水昔時

草荔支

叢生朱顥味甘且芳似普盤而無子普盤亦內地
所無而塞外恒有此惟興安及烏喇乃有之

皇祖時命移植山莊錫名曰草荔支當秋而實閔貢適
至蠲渴生津難擬伯仲也

滿口甘腴撲鼻芳女夷雅解遺

去聲

雲漿品題造物能名

物比似元方與季方漫譜韞平如絳雪饒稱核小尚丁
香崇椒嘉植烟霞外那更羶薌待蔡襄

賦得初日芙蓉

出水呈芳迥迎曦弄影新烟流花欲醉露湛葉生津畫
裏神仙品臺端清淨身頻香連一氣霞彩照初勻錦浪
翻無定文禽宿有因娥英臨曉鏡不語亦宜人

張宗蒼竹亭觀瀑

踈篠喬柯匝檻前飛流百丈落平川昨來湧翠巖前况
山莊觀瀑處石壁點筆居然得我先
湧翠巖三字

御製詩二集卷四十九